

書名 錦繡萬花谷續集四十卷
 嘉靖十五年序錫山秦
 汴鏞石書堂刊本後修
 撰者 宋 闕名 撰
 卷 卷三十五
 內容分類 子-類書-彙考-宋
 索書號 大木-子部-類書類-31
 編號 C5924800

卷三十五



錦繡萬花谷續集卷之十八

類

後進領袖裴秀八歲能屬文時語曰後進領袖有裴秀

後為晉空 晉本傳

玉山山人裴楷以清通用為吏部郎時人稱見裴叔則

如近山映照人也 本傳

裴松之博覽墳籍立身簡素宋武帝克洛陽
 州行事武帝曰松之廊廟之才不冝久居邊務

沈馬轉中書侍郎 南史

表駿魏太祖曰駿有當世才其忠義可嘉補

崔浩目為三河領袖宋使來聘以駿有才學

彩色首頁1

[東洋文化研究所漢籍目錄 編號: C5924800](#)

[東洋文化研究所漢籍目錄所藏漢籍善本文影像資料庫 索書號: 大木-子部-類書類-31](#)

[漢籍善本文影像資料庫文本 錦繡萬花谷續集四十卷 嘉靖十五年序錫山秦汴鏞石書堂刊本](#)

後修

版權所有: 東京大學 東洋文化研究所

使用上的注意事項



希孟以經術傳授學者嘗至數百人襄為親至學舍執
經講問為諸生率

錦繡萬花谷續集卷之三十四

錦繡萬花谷續集卷之三十五

類姓

祭

雅歌投壺祭遵對酒設樂必雅歌投壺在軍旅不忘俎

豆後漢史

解

考績第一解系字少連父脩魏琅邪太守考績為天下

第一晉史

戴

大戴小戴戴德延君戴聖次君皆受禮於后蒼德號大

戴為信都太傅聖號小戴以博士論石渠由是禮有大

戴小戴前漢孟卿傳

解經不窮戴憑習京氏易年十六郡舉明經拜郎中正
曰朝賀百僚畢集帝令能說經者相難詰義有不通輒
奪其席以益通者憑遂坐五十餘席京師語曰解經不
窮戴侍中後儒林傳

關中大豪戴良字叔鸞父遵字子高家富好給施食客
常三四百人語曰關中大豪戴子高良舉孝廉不就逃
入江夏山中不仕

積薪自焚戴封對賢良策第一拜議郎遷西華令時蝗
灾獨不入西華界年旱禱請無獲乃積薪以自焚火起
而大雨暴至遷中山相縣囚四百人當刑皆遣歸與剋
期日皆無違者並後漢史

擢戴胃秦王拔武牢引為府士曹參軍大理少

卿缺太宗曰大理人命所繫胃清直其人即日命之犯
顏據正參處法意至析秋毫隨類指擿言若湧泉帝修
洛陽宮胃疏諫止之

父子繼為宰相戴至德乾封中遷侍郎同三品關十數
年父子繼為宰相高宗為飛白書賜至德遷尚書右僕
射時劉仁軌為左人有訐率優容之至德乃究本末終
不顯私恩並唐史

蒯

齊之辯士蒯通范陽人說韓信反齊之辯士拾遺舉過
顯賢進能前漢史

藺

全璧歸趙藺相如趙人也全璧歸趙從趙王與秦會於

澠池秦王竟酒終不能加勝於趙既歸以相如功大拜
為上卿史記

員

八科皆中員半千字榮期王義方常曰五百歲一賢者
生子宜當之因改今名凡舉八科皆中咸亨中上書自
陳云云陛下何惜玉陛方寸地不使臣披露肝膽乎書
奏不報

段

材可取卿相段會為杜陵令五府舉為西域都護西域
敬其威信谷永與之書曰若子之材可優游都城而取
卿相何必勒功昆山之側前漢史

涼州三明段熲字紀明舉孝廉為陽陵令所在有能政

初與皇甫威明張然明並知名京師稱為涼州三明位
至太尉後漢史

真將軍段志玄齊州人文德皇后之葬與宇文士及勒
兵衛章武門太宗夜遣使至二將軍所士及披戶納使
志玄拒曰軍門不夜開使者示手詔志玄曰夜不能辨
不納比曙帝歎曰真將軍周亞夫何以加唐史

禱而雨段文昌字墨卿穆宗拜平章事未踰年授劍南
西川節度使文宗立徙帥荊南州或旱禱解必雨或久
雨遇出游必霽民為語曰旱不苦禱而雨雨不愁公出
游

灌

販緇灌嬰睢陽販緇者號昌文侯與絳侯共立文帝為

太尉 前漢史

萬

成孝鄉萬敬儒三世同居喪親廬墓刺血寫浮屠書斷

手二指輒復生改所居曰成孝鄉 唐史

卞

六龍下壺父粹兄弟六人並登宰府世稱卞氏六龍 晉史

五經博士卞華徧習五經仕梁兼五經博士說經析理

為當時之冠 南史

邵

博覽經史邵續朴素有志烈博覽經史妙解天文為平

原樂安太守 晉書

八世同居邵榮興八世同居詔表門閭 南史

詔標里閭

邵洪哲縣令范道榮坐除名洪哲代詣京師

明申曲直道榮感其誠節訴省申聞詔下標里閭 出北

義傳

真國器皇朝邵亢字興宗舉茂才異等除建康軍節度

推官召為國子監直講改館閣校勘同知太常禮院英

宗召對群玉殿謂曰學士真國器也擢同修起居注後

拜樞密副使

到

佐守荆楚到彥之字道豫楚大夫屈到後也彥之佐守

荆楚垂二十載威信為士庶所懷遷南豫州刺史鎮歷

陽 南史

暴

郎子好相表暴顯字思祖幼時見一沙門指之曰此郎子好相表大必爲良將貴極人臣語終失之從齊神武起義遷徐州刺史北史

賀

當世儒宗賀循字彥先山陰人舉秀才除陽羨令以寬惠爲本不求課最朝廷疑滯皆諮之輒依經禮而對爲當世儒宗晉史

上殿不下賀琛世習禮學仕梁累遷尚書左丞每進見武帝與語常移晷刻省中語曰上殿不下有賀雅琛容止閑雅故呼之南史

慶湖遺老集皇朝賀鑄字方回孝惠皇后之族孫授右班殿直元祐中用武易文爲通判泗州又倅太平州以

卒鑄好學藏書萬卷工文詞尤長於樂府有慶湖遺老集

謝

一丘一壑謝鯤字幼輿好老易善鼓琴爲豫章太守泣政清肅百姓愛之一丘一壑自謂過庾亮晉史

芝蘭玉樹謝玄字幼度叔父安嘗約子姪曰子弟亦何豫人事而正欲使其佳玄曰譬如芝蘭玉樹欲使其生於庭階耳玄以精銳八千破符堅百萬於淮肥聞風聲鶴唳以爲王師至

無眉陽情謝綯曾戲調其舅袁湛湛曰汝父昔已輕舅汝今復加我可謂世無渭陽情也

微謝謝敷字慶緒澄靖寡欲隱于太平山初月犯

少微俄而敷死

有林下風王凝之妻謝氏字道韞叔父安嘗內集雪下

安曰何所似也安兄子朗曰撒鹽空中差可擬道韞曰

未若柳絮因風起道韞神情散朗有林下風氣並晉史

兩玉人謝晦字宣明涉獵文義博瞻多通時謝混風華

為江左第一嘗與晦俱在武帝前帝目之曰一時頓有

兩玉人耳南史

直省賦詩謝眺字元暉少好學有美名文章清麗善草

隸長五言詩沈約常云二百年來無此詩也遷尚書吏

部郎好獎人才孔闔粗有才筆未為時知孔珪嘗令草

讓表以示眺眺嗟吟良久手自折簡寫之謂珪曰士子

聲名未立應共獎成無惜齒牙餘論嘗直中書省賦詩

有蒼苔依砌上紅藥當階翻之句

西堂詩謝惠連十歲能屬文靈運加賞之云每有篇

章對惠連輒得佳語嘗於永嘉西堂思詩不就忽夢見

惠連即得池塘生春草大以為工嘗為雪賦以高麗見

奇

文章江左第一謝靈運亦之曾孫文章之美為江左第

一為太子左衛率朝廷唯以文義處之為永嘉太守郡

有名山水肆意遊遨理人聽訟不復關懷每有一首詩

貴賤競寫名動都下徵為祕書監遷侍中詩書皆兼獨

絕每文竟手自寫之文帝稱為二寶

春日閑居詩謝朓八歲為春日閑居詩有風定花猶落

之句並南史

李詩謝賦謝偃貞觀初對策高第嘗為塵影賦二篇帝
美其文時李百藥工詩而偃善賦時人稱其李詩謝賦
唐史

錦繡萬花谷續集卷之三十五

錦繡萬花谷續集卷之三十六

類姓

華

右師左成公十五年宋華元為右師元曰我為右師君
臣之訓師所司也

精於方藥華佗字元化通數經曉養性之術精於方藥

後漢史

為政清靜華歆為豫章太守為政清靜不煩吏民威而
愛之魏初為御史大夫素清貧祿賜以賑施親戚故人
家無擔石之儲魏志

作漢紀華嶠才學深博為臺郎徧觀祕籍因作漢紀晉
孝子鄉華秋事母以孝聞母喪廬墓負土成墳詔表其